

中國方志叢書·華北地方·第四五〇號

據

清·姚子琅纂，蔣光祖修
清乾隆二十年刊本

影印

河南省

鄧州志

成文出版社有限公司印行



10107520

中國方志叢書·華北地方·第四五〇號

據

清·姚子琅纂，蔣光祖修
清乾隆二十年刊本

影印

河南省

鄧州志



成文出版社有限公司印行



10107521

中國方志叢書·華北地方·第四五〇號

據

清·姚子琅纂，蔣光祖修
清乾隆二十年刊本

影印

河南省

鄧州志

成文出版社有限公司印行



10107522

中國方志叢書·華北地方·第四五〇號

據


清·姚子琅纂，蔣光祖修
清乾隆二十年刊本

影印

河南省

鄧州志

成文出版社有限公司印行



10107523

中華民國六十五年

月臺一版

鄧州志

全四冊

發行人：黃成助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

刻舊序

創修鄧州志序

嘉靖三十五年

明

張

僊

知

鄧壁名於周而迄今未有志夫志所以述故實稽沿革鏡
往以準來使不迷於所從也其可缺乎余產江右下邑嘗
踰江淮歷鄒魯齊趙之墟入承乏守鄧得寓目周定鼎所
稱中土之勝凡大郡大邑設險以守雖或有高城深池凜
不可犯然未有內外重關俱浚以濠汪洋如鄧者因求其
故則知在昔爲秦楚魏交爭之地南宋有金難李綱胡寅
欲於此駐蹕岳飛銳志恢復先遣王貴克復之誠爲襄陝
之咽喉所謂有寬城平野可以屯聚不爲虛言未可以中

州選郡署之也歲丙辰仲秋今大中丞陽華章公奉命
來撫治鄖山勸弊舉廢昭德著威欲遍搜郡國之志以先
天下之防乍謁遂命輯志上之余懼無以承德意廼求御
史大夫之家藏及故老之傳聞彙爲一帙以進而因思欲梓
之復自揣以一郡之文獻數百年之缺典未敢輕任也時
無薦士藍子衿家於遂相與廣其所未備而訂其或訛謬
定爲凡例別爲六卷以體國經野必正疆域故首輿地分
區之然後經理因之故次創設創設定而民財始聚故次
賦役民不自治故次職官官職修而教養舉民知興行焉
水木附屬以爲之末焉

蓋庶一披籍而鄧之料理舉了然在目矣余嘉志之成而
又不能無私懼也蓋古今不同者時因革者迹據迹以求
心因時以立政有非志之所能盡者鄧西北阻山昔未通
道事簡而民頗逸近使節旁午凋瘁於奔命已非往日之
故矧環以裕葉內浙多產礦砂逋奸巨猾時常出沒儻有
不靖未必不洶洶乘之匪可以寧土玩之也所可憑藉以
自力者召杜遺迹今尚未泯苟法其故穡易成功地產有
足尚也重險峻列歲後修輯先聲所至足以懾姦地利有
足恃也幸而享天下之安能與民同欲而使不擾則休養
安全之效可收無愧爲牧養之臣一旦少有意外之患能

與民共濟而使不離則保障翊衛之功可立無愧於守封疆之臣斯則己之責也民之賴也志所修之意也苟徒知志之不可無而不知志之所當重之意則雖無志可也余因以自勗而敢以俟將來之同志者

鄧州志序

嘉靖四十三年

明 潘庭楠 知州

鄧有志自嘉靖丁巳前守浮梁張公僊始會當遣促就募於三屬邑未暇及子既踵至遂采掇以成斯編云夫志不主載事乎內新浙三屬之鄧而鄧志不載其事非所以一體統而彰國典也矧三邑之志之舊類皆成化未用而循建茲殆將百年茲更益爲之茫然今復不圖後

於是乎履歷修之後以答郡中學士大夫之心
之近代稱良志者曰沔陽曰惠州沔陽成於童太史
成於陽吏部嘗繹二志綱例謹嚴論議揮霍率無異司
子長子實傾慕之繩步範趨而不自知其瞠乎後也蓋
知愚之不相及也久矣是故志之有圖也邦國之故分合
互呈於以標大意括繁辭爲郡縣五圖凡大事必紀爲郡
紀爲帝紀重大事也表也者明也表其至蹟之名而明之
也沿革封爵職官選舉名至蹟矣爲四表使之易明也輿
地既定創設斯興民乃可治若賦役若陂堰所以厚培植
若學校若祀典所以崇禮教若兵防所以肅捍衛爲七志

志治民也宦蹟列傳可以程業人物列傳可以辨德咸傳
之使咸傳弗朽也統之十有六篇鄧之載事存焉雖存弗
備也憾文獻也後之君子補遺增闕庶或有諒於予哉是
役也鄉進士藍君偉蜚聲博雅爰綜厥成郡學曹生楫姚
生揆祁生仕聰郭生繼魯黃生凝道均有論校之勞甫基
片而梓報竣事

鄧州志序

萬曆三十年

明趙沛知州

鄧中州鉅郡也郡事見於詩書周禮春秋歷代史微有可
考明興英皇帝命儒臣纂修一統志中州支屬鄧所弗遺
亦紀其大者而已嘉靖甲寅守張君僊始修鄧志十卷

部事稍備實錄而於屬邑猶缺焉壬戌潘君庭楠復撰
三縣志增修之爲十六卷卷之目爲圖一爲紀二爲表
四爲志七爲傳二大書分註各有論叙而篇末讚係之居
然尼經班史例也一方文獻稱大備矣二君子用心勤矣
哉夫以潘距張僅八越禩歲序人事錯更無幾而不佞距
潘閱歷兩朝彈指五十年所若星野若山川若疆宇若土
產物產無改於舊今之鄧猶昔之鄧也而生齒日繁事務
益繁戶口有增置人才有選舉職官有推遷政教有得失
風俗有移易災祥有變異闕焉弗錄鏡考在前而失之自
我無以鑒往而昭來勸戒之義謂何不佞每念及此束縛

更家舊殖荒落卽欲紹武前休修明二君子之業未之敢
任也爰謀於新野馬太史本州諸孝廉復敦禮博雅鄉達
張公桂禎丁公鉉總其事簡文學之秀拔者若干人綜攬
蒐漁考核銓次各效所能而不佞於簿書暇稍折衷之始
事壬子夏五月越秋七月書成爲目爲卷俱因摺之舊而
特添增其應錄者耳諸文學又謂潘書有自序以例援諸
不佞復之曰夫志古史之遺劉知幾謂作史有三長蘇老
泉謂唐三百年有文章無史才此以知藻繪之業史爲難
大而補史爲尤難譬有美錦操刀而割以爲章身之具燁
其華也其初製之無費手或有補綴必色類文理不

而後成衣俚令飭紫以青狐裘而羔袖針縷雖工奚補
服之完美哉夫修文亦猶是已昔太史公歿褚先生補
策日者傳則謂言詞鄙陋非遷本意劉昭補漢書則謂採
其所損以補註言皆無要事盡不急裴松之補三國志則
謂前後註釋皆壽書餘瀆夫二三子良史之亞也事擬
近似體裁弗倫寸長尺短弗免于口今之時彙編紛矣去
古愈遠開先更始浮靡一轍安得附於作者然則參合前
人之見拾遺補缺欲超乘而上之可易言乎哉是編出攝
撫五十年之事蹟據証前軼不濫不蕪不俚不溢勒成一
家之言可以傳矣二鄉達諸文學實翊余有助於二君子

補袞之功庶幾矣五十年而有志余之志者恕其不敏增
其所未備知我罪我奚辭焉

鄧州志序

順治十六年

陳良玉

知州

郡國志與正史相表裏史大而該志詳而實名異而體則
不殊所以彰王化考風政論列古今昭宣人紀則一也鄧
自魯桓二年始見於春秋漢唐宋元燦布諸史明成化間
郡守張君儒創爲州志數傳而事跡大備稱爲文憲舊矣
丁丑後久罹寇焰典章殘闕

皇帝受命十有六年聖政日新史不勝載其於一方掌故尙
猶荒畧非所以奉揚文教也督撫賈公爰檄郡縣采輯盛

書以備一朝巨典恢乎盛哉然斯事體大非博綜乎二十
一家之旨與古今治亂之故世運升革之由烏敢輕言哉
良玉自初官泗上適曲阜觀孔子車服禮器因而嘆聖德
王功其所由來非一日也及受今命蒞釐封覽山川人物
民俗厚風氣淳昔所稱三代遺風不減鄒魯信有然者用
是延訪耆舊稍采前志叅以近蹟以次編紀凡爲圖一紀
一表四志八列傳四總若干卷書成鄧人士請弁其首良
玉因得論而序焉鄧封域列代稱雄鎮述職重於周武功
翊於漢文章節義表於唐循良吏治著於宋及明鐵李諸
君後先表見其地其人皆已垂之千百世不止爲一鄉一

國重也運數遞遷歸於有德

皇上神武開基整一區夏乙酉師出武關救鄧人於湯火遂
清南服尺地一民靡不奉琛受朔其所以培育人心強固
根本功烈固已宏且遠矣武功既定文治聿興使郡國效
圖籍成一代之書此曠世僅遇者則拜手言曰天子之
愛天下甚矣督撫之澤被於下國至矣爲之下者服田輸
賦謹身守法此庶人之分也誦詩讀書入孝出弟此諸弟
子之業也敦仁篤禮以德化於鄉黨此縉紳大夫之義也
使君子以好善小人以寡過禮教修明民安事治此郡守
令之職也又况乎十年生聚十年教訓有相繼而起者一